

## TLHAGISA MAIKUTLO

Teboseshwa ya Molao wa Kabo ya Matlole ke Setshaba go Makoko a Sepolitiki a a nang Kemedi, Nr 103 ya 1997

### Taletso ya Ditshwaelo

Kabo ya Matlole ke Setshaba go makoko a sepolitiki a a nang le kemedi mo makgotlapeomolaong a bosetshaba le diporofense e nna gona ka Molao wa Kabo ya Matlole ke Setshaba go Makoko a Sepolitiki a a nang Kemedi, Nr. 103 ya 1997.

Ka di 6 Motsheganong 2017 Ntlo Kokoano Bosetshaba e sweditse gore:

- go dira ka natla ga makoko a sepolitiki go botlhokwa mo go tseletseng temokerasi ya molaotheo mo Aforika Borwa, segolo thata jang bokgoni jwa makoko ao go emela setshaba; le gore
- makoko a sepolitiki a tlhoka kabo ya matlole gore ba kgone go diragatsa ditiro tsa bone le go matlafatsa temokerasi, le gore mokgwa le go senang bofitlha ga kabo ya matlole ya mofuta oo e botlhokwa mo go ageng tshepo ya setshaba mo tsamaisong ya sepolitiki.

Go lebeletswe dintlha tse di fa godimo, Ntlo Kokoano Bosetshaba e tlhamile Komiti ya Nakwana ya Kabo ya Matlole go Makoko a Sepolitiki go botsolosa kabo ya matlole ya makoko a sepolitiki a a nang le kemedi mo makgotlapeomolaong a bosetshaba le diporofense mo Aforika Borwa. Go fitlhelela ga jaana, Komiti e tshwanetse go elatlhoko sekao sa kabo ya matlole ya poraefete le ya setshaba go makoko a sepolitiki. Go tlaleletsa, kelotlhoko e tiile go neelwa go tlhokego ya, le ditsela tse di ka kgonegang go laola kabo ya matlole ya poraefete ka dipopego tsotlhe tsa yona ( go akaretsa ditheo tsa peeletso tseo beng e leng makoko a sepolitiki). Gape, Komiti e ka tlhagisa mametlelelo go molao e e leng gona.

Komiti e laletsa setshaba go tshwaela gore Molao wa Kabo ya Matlole ke Setshaba go Makoko a Sepolitiki a a nang le Kemedi, No 103 ya 1997 o ka thatafatswa jang go kgontsha go seng bofitlha go go golwane go mokgwa oo makoko a sepolitiki a abelwang matlole ka ona go netefatsa tiro e e nonofile ya ona. Kgatlhago sentlentle e go sekao sa kabo ya matlole ya setshaba le poraefete go makoko a sepolitiki, le go tlhokego ya mokgwa o o kgonegang wa go laola mekgwa yotlhe ya kabo ya setshaba le poraefete go akaretsa le ditheo tsa peeletso tseo beng e leng makoko a sepolitiki. Ditshwaelo tse di kwadilweng di tshwanetse go romelwa go Komiti pele ga 10h00 ka di 21 Phukwi 2017.

Molao wa Kabo ya Matlole ke Setshaba go Makoko a Sepolitiki a a nang le Kemedi, Nr 103 ya 1997 o fitlhelwa go [www.parliament.gov.za](http://www.parliament.gov.za) mme gape o ka kopiwa go tswa go Mokwaledi wa rona wa Komiti (dintlha fa tlase)

Dipotso le ditlhagiso tse di kwadilweng di tshwanetse go lebisiwa go Cindy Balie, Mokwaledi wa Komiti: Komiti ya Nakwana ka ga Kabo ya Matlole go Makoko a Sepolitiki, 3<sup>rd</sup> Floor, 90 Plein Street, Cape Town 8000, kgotsa [cbalie@parliament.gov.za](mailto:cbalie@parliament.gov.za), kgotsa fekese: 086 665 5444. O ka ikgolaganya le Komiti go 021 403 3667 kgotsa 083 709 8444.

E rebotswe ke Modulasetilo wa Komiti ya nakwana ka ga Kabo ya Matlole go Makoko a Sepolitiki, Rre VG Smith, MP.